

სახელმწიფო შესყიდვის შესახებ

ხ ე ლ შ ე კ რ უ ლ ე ბ ა №149

ქ. თბილისი

2 აპრილი 2019 წ.

წინამდებარე ხელშეკრულება დაიდო „სახელმწიფო შესყიდვების შესახებ“ საქართველოს კანონის მე-16¹ მუხლის პირველი პუნქტის შესაბამისად ერთი მხრივ, საქართველოს სახელმწიფო დაცვის სპეციალურ სამსახურსა (მდებარე ქ.თბილისი, 9 აპრილის ქ.№2 შემდგომში „შემსყიდველი“) და მეორეს მხრივ, შპს „კლიმატ არეას“ (მდებარე ქ.თბილისი, ანდრონიკაშვილის I შესახვევი №11ა შემდგომში „მიმწოდებელი“) შორის.

მუხლი 1. ხელშეკრულების საგანი

1.1 წინამდებარე ხელშეკრულების საგანია საქართველოს სახელმწიფო დაცვის სპეციალური სამსახურის მიერ გამაგრებელი ჯგუფების შეკეთება და ტექნიკური მომსახურების (კლასიფიკატორის კოდი 50730000) ელექტრონული ტენდერის №SPA190001501 საშუალებით სახელმწიფო შესყიდვა, ხელშეკრულებაზე თანდართული ჩამონათვალის, რაოდენობისა და ფასების მიხედვით (პრეისკურანტი), „შემსყიდველის“ მოთხოვნის შესაბამისად.

მუხლი 2. ხელშეკრულების ღირებულება

2.1 ხელშეკრულების ღირებულება შეადგენს 8000 (რვა ათასი) ლარს (შემდგომში „ხელშეკრულების ფასი“);

2.2 ხელშეკრულების ღირებულება მოიცავს ხელშეკრულებით გათვალისწინებული მომსახურების გაწევის ყველა ხარჯს.

მუხლი 3. მომსახურების გაწევისა და მიღება-ჩაბარების პირობები

3.1 „მიმწოდებელმა“ მომსახურების გაწევა უნდა განახორციელოს ეტაპობრივად, „შემსყიდველის“ მოთხოვნის შესაბამისად, 2019 წლის 31 დეკემბრის ჩათვლით „შემსყიდველის“ მისამართებზე ქ.თბილისში და ქ.ბათუმში;

3.2 ხელშეკრულებით გათვალისწინებული მომსახურების გაწევა ითვლება მიღებულად მას შემდეგ, რაც „შემსყიდველის“ მიერ გამოყოფილი ხელშეკრულების შესრულების კონტროლის განმახორციელებელი წარმომადგენლები მიღება-ჩაბარების აქტზე ხელმოწერით დაადასტურებენ მის მიღებას.

მუხლი 4. ანგარიშსწორება

4.1 ანგარიშსწორების ფორმა იქნება უნაღდო ანგარიშსწორება ეროვნულ ვალუტაში;

4.2 ანგარიშსწორების ვადა (გრაფიკი): „მიმწოდებლის“ მიერ ფაქტიურად გაწეული მომსახურებისა და შესაბამისი ღუკუმენტის წარმოდგენიდან 10 (ათი) სამუშაო დღის განმავლობაში.

მუხლი 5. გარანტია

5.1 „მიმწოდებელი“ იძლევა გარანტიას, რომ გაწეული მომსახურება შეესაბამება „შემსყიდველის“ მოთხოვნებს;

5.2 „მიმწოდებელმა“ შეტყობინების მიღებისთანავე უნდა განახორციელოს უხარისხოდ გაწეული მომსახურების გამოსწორება „შემსყიდველის“ მხრიდან რაიმე დამატებითი დანახარჯის გაწევის გარეშე.

მუხლი 6. ხელშეკრულების შესრულების კონტროლი

6.1 ხელშეკრულების შესრულების კონტროლი განხორციელდება გაწეული მომსახურების ხარისხისა და მიწოდების ვადების შემოწმების გზით;

6.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა ნაკლის აღმოფხვრა;

6.3 ხელშეკრულების შესრულების კონტროლს განახორციელებენ „შემსყიდველის“ შემდეგი წარმომადგენლები:

1) ეკონომიკური დეპარტამენტის, სამეურნეო სამმართველოს უფროსის მოადგილე – ბ. გოგაძე;

2) ეკონომიკური დეპარტამენტის, სამეურნეო სამმართველოს უფროსი სპეციალისტი – კ. პეტრიაშვილი.

მუხლი 7. მხარეთა უფლება-მოვალეობანი

7.1 „მიმწოდებელს“ უფლება აქვს:

7.1.1 მოთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული პირობებით.

7.2 „მიმწოდებელი“ ვალდებულია:

7.2.1 ობიექტზე გამოცხადდეს შეტყობინების მიღებიდან 1 (ერთი) სამუშაო დღის განმავლობაში.

7.2.2 დაიცვას ხელშეკრულებით გათვალისწინებული ყველა პირობა.

7.3 „შემსყიდველს“ უფლება აქვს:

7.3.1. შეამოწმოს გაწეული მომსახურების ხარისხის შესაბამისობა ხელშეკრულებით გათვალისწინებულ პირობებთან.

7.4 „შემსყიდველი“ ვალდებულია:

7.4.1 მოახდინოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;

7.4.2 დაიცვას ხელშეკრულებით გათვალისწინებული ყველა პირობა.

მუხლი 8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;

8.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა;

8.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოძწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით;

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

მუხლი 10. ხელშეკრულების შეწყვეტა

10.1 „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

ა) თუ „მიმწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია გაუწიოს სრული ან ნაწილობრივი მომსახურება;

ბ) თუ „მიმწოდებელს“ არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

10.2 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ და „შემსყიდველს“ დანარჩენი ვალდებულებების შესრულებისაგან;

10.3 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო „მიმწოდებელი“ ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) „მიმწოდებლის“ გადახდისუუნაროდ ცნობის შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

მუხლი 11. მხარეთა პასუხისმგებლობა

11.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად;

11.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა, რაზედაც უნდა შეატყობინოს მეორე მხარეს წერილობით, რომელშიც უნდა იყოს მითითებული დამატებითი ვადები დარღვევის აღმოსაფხვრელად, ხოლო თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება/შეტყობინება;

11.3 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით;

11.4 ხელშეკრულებიდან გასვლასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსის შესაბამისი მუხლები;

11.5 ხელშეკრულებით ნაკისრი ვალდებულებების შესრულების ვადების დარღვევის შემთხვევაში, „მიმწოდებელს“ დაეკისრება პირგასამტეხლოს გადახდა, ყოველ ვადაგადაცილებულ დღეზე დაგვიანებით შესრულებული ვალდებულების შესაბამისი ღირებულების 0.1%-ის ოდენობით;

11.6 ხელშეკრულების პირობების შეუსრულებლობისთვის „მიმწოდებელს“ დაეკისრება პირგასამტეხლოს გადახდა ხელშეკრულების საერთო ღირებულების 10%-ის ოდენობით;

11.7 ხელშეკრულების ნაწილობრივ შესრულების შემთხვევაში „მიმწოდებელს“ დაეკისრება პირგასამტეხლოს გადახდა შეუსრულებელი ვალდებულების ღირებულების 10%-ის ოდენობით;

11.8 იმ შემთხვევაში, თუ ვალდებულებების შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 (ერთი) პროცენტს, „შემსყიდველს“ უფლება აქვს შეწყვიტოს ხელშეკრულება;

11.9 საჯარიმო სანქციების გადახდა არ ათავისუფლებს დამრღვევ მხარეს ხელშეკრულებით ნაკისრი ვალდებულებების შესრულებისაგან.

მუხლი 12. ფორს-მაჟორი

12.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 13. ხელშეკრულების მოქმედების ვადა

13.1 ხელშეკრულება ძალაში შედის 2019 წლის 2 აპრილიდან და მოქმედებს 2020 წლის 31 იანვრის ჩათვლით.

მუხლი 14. სადავო საკითხების გადაწყვეტა

14.1 წინამდებარე სახელშეკრულებო ურთიერთობებიდან წარმოშობილი ნებისმიერი დავა წყდება მხარეთა ურთიერთმოლაპარაკების გზით;

14.2 მხარეთა შორის შეთანხმების მიუღწევლობის შემთხვევაში დავა წყდება საქართველოს კანონმდებლობით გათვალისწინებული წესით.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

„შემსყიდველი“


საქართველოს სახელმწიფო
დაცვის სპეციალური სამსახური

ქ.თბილისი, 9 აპრილის ქ.№2
ჭოროხის ქ.№6

საქართველოს სახელმწიფო ხაზინა
სახელმწიფო დაცვის სპეციალური
სამსახურისათვის – 4001
ა/ა №GE24NB0330100200165022
კოდი TRESGE22
საიდენტიფიკაციო კოდი 203840344

„შემსყიდველის“ სახელით:

საქართველოს სახელმწიფო დაცვის
სპეციალური სამსახურის ეკონომიკური
დეპარტამენტის უფროსის მოადგილე


ილია ტარასშვილი

„მიმწოდებელი“

შპს „კლიმატ არეა“

ქ.თბილისი, ანდრონიკაშვილის
I შესახვევი №11ა ტელ: 59 5118111

სს „საქართველოს ბანკი“

ა/ა № GE54BG0000000131282257
კოდი BAGAGE22

საიდენტიფიკაციო კოდი - 400256389

„მიმწოდებლის“ სახელით:

შპს „კლიმატ არეას“
დირექტორი

გიორგი ჭანკოტაძე

№	სათადარიგო ნაწილების და თანმდევი მომსახურების ჩამონათვალი	ზომის ერთეული	ნაწილის ერთეულის ზღვრული ფასი ლარში	ერთეულის მომსახურების ზღვრული ფასი ლარში	ჯამი
1	კონდესატორი 9000 btu/h	ცალი	30	15	45
2	კონდესატორი 12000 btu/h	ცალი	35	15	50
3	კონდესატორი 18000 btu/h	ცალი	40	15	55
4	კონდესატორი 24000 btu/h	ცალი	45	15	60
5	პლატა (მცირე დაზიანებით)	ცალი	0	55	55
6	პლატა (დიდი დაზიანებით)	ცალი	0	80	80
7	პლატის შეცვლა	ცალი	150	35	185
8	სამწვერა სარქველის შეცვლა	ცალი	25	25	50
9	სამწვერა სარქველის შეკეთება	ცალი	0	0	0
10	კომპრესორის თერმო სენსორი	ცალი	15	15	30
11	ტემპერატურის თერმო სენსორი	ცალი	15	15	30
12	სისტემის მილის შეცვლა (16მმ)	მეტრი	22	10	32
13	სისტემის მილის შეცვლა (12მმ)	მეტრი	20	10	30
14	სისტემის მილის შეცვლა (10მმ)	მეტრი	18	10	28
15	სისტემის მილის შეცვლა (6მმ)	მეტრი	15	10	25
16	მილის თბოიზოლაცია	მეტრი	5	0	5
17	პლატის ტრანსფორმატორი	ცალი	20	15	35
18	გარე ვენტილი (9000 btu/h - 12000 btu/h)	ცალი	15	10	25
19	გარე ვენტილი (18000 btu/h - 24000 btu/h)	ცალი	15	10	25
20	სისტემაში გაჟონვის მოძებნა და ლიკვიდაცია	ცალი	0	50	50
21	სისტემის ვაკუუმიზაცია	ცალი	0	50	50
22	შიდა აგრეგატის ფრთა	ცალი	25	15	40
23	გარე აგრეგატის ფრთა	ცალი	25	15	40
24	შიდა აგრეგატის ძრავი (9000 btu/h - 12000 btu/h)	ცალი	20	22	42
25	შიდა აგრეგატის ძრავი (18000 btu/h - 24000 btu/h)	ცალი	20	22	42
26	გარე აგრეგატის ძრავი (9000 btu/h - 12000 btu/h)	ცალი	25	28	53
27	გარე აგრეგატის ძრავი (18000 btu/h - 24000 btu/h)	ცალი	30	28	58
28	ელექტრო კლაპნის, მაგნიტური გამშვები	ცალი	25	15	40
29	პულტი (უნივერსალური)	ცალი	40	0	40
30	ძრავის ჩამრთველის ავტომატი	ცალი	20	10	30
31	კონდიციონერის საკიდი	ცალი	25	0	25
32	კომპრესორი (9000 btu/h)	ცალი	130	50	180
33	კომპრესორი (12000 btu/h)	ცალი	160	60	220
34	კომპრესორი (18000 btu/h)	ცალი	230	70	300
35	კომპრესორი (24000 btu/h)	ცალი	280	80	360

36	შიდა ბლოკის (ფილტრი, რადიატორი, ვენტილატორი) გაწმენდა სპეც. ხსნარით	ცალი	0	50	50
37	გარე ბლოკის გაწმენდა სპეც. ხსნარით	ცალი	0	60	60
38	დრენაჟის სისტემის რემონტი	ცალი	0	40	40
39	კონდიციონერის სტანდარტული მონტაჟი (9000-12000-18000-24000 btu/h)	ცალი	0	135	135
40	კონდიციონერის არასტანდარტული მონტაჟი (9000-12000-18000-24000 btu/h)	ცალი	0	200	200
41	კონდიციონერის დემონტაჟი	ცალი	0	80	80
42	კონდიციონერის დემონტაჟი-მონტაჟი (სხვადასხვა ადგილზე)	ცალი	0	210	210
43	კონდიციონერის გარე ბლოკის დემონტაჟი-მონტაჟი	ცალი	0	130	130
44	კონდიციონერის შიდა ბლოკის დემონტაჟი-მონტაჟი	ცალი	0	120	120
45	კონდიციონერის შიდა ბლოკის დემონტაჟი	ცალი	0	50	50
46	კონდიციონერის შიდა ბლოკის მონტაჟი	ცალი	0	50	50
47	კონდიციონერის გარე ბლოკის დემონტაჟი	ცალი	0	60	60
48	კონდიციონერის გარე ბლოკის მონტაჟი	ცალი	0	70	70
49	კონდიციონერის დემონტაჟი-მონტაჟი (ერთ ადგილზე)	ცალი	0	210	210
50	ფრეონის დამატება დატუმბვა (D9-D12-D18-D24-D50) მომსახურება	1 კილოგრამი	0	25	25
51	ფრეონის ღირებულება R-22	1 კილოგრამი	40	30	70
52	ფრეონის ღირებულება R-407	1 კილოგრამი	65	35	100
53	ფრეონის ღირებულება R-410	1 კილოგრამი	65	35	100
54	ამწე (კალათა)	1 საათი	0	120	120
55	ტრანსპორტირება	ქ.თბილისი ს ფარგლებს გარეთ 1 კმ.	0	1	1
ჯამი:					4296

Giorgi
Chankotadze

Digitally signed by Giorgi
Chankotadze

Date: 2019.03.18 23:52:56
+04'00'

ხელწერილი ინტერესთა კონფლიქტის არარსებობის შესახებ

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ვადასტურებთ, რომ შპს „კლიმატ არეასთან“ არ ვიმყოფებით ინტერესთა კონფლიქტში.

ეკონომიკური დეპარტამენტის, სამეურნეო
სამმართველოს უფროსის მოადგილე

 ბესარიონ გოგაძე

ეკონომიკური დეპარტამენტის, სამეურნეო
სამმართველოს უფროსი სპეციალისტი

 კაზა პეტრიაშვილი